

تورکیا بیوک ملت مجلسی

ضبط سلسلہ

یتیم سکنجی اجتماع

مندرجات

باش قوماندانق قلمک الفاسنہ دائر تذکرہ
اوراق واردہ:

ضابطہ صیدیہ نظامنامہ سنک تعدیلی حقندہ کی لایحہ قانونیہ نک مذاکرہ سی،
طوز رسمک تزییدی حقندہ کی لایحہ قانونیہ نک مذاکرہ وردی،
تحصیل اموال قانونک اوچجی مادہ سنک تعدیلی حقندہ کی لایحہ قانونیہ نک برنجی مذاکرہ سنک اکیلی،
بیان آباد قائمقامی شہید علی رضا بک ٹائلہ سنہ خدمات وطنیہ تربیدن معاش تخصیصنہ دائر اولان قانونک مذاکرہ وردی.

برنجی جلسہ

رئیس: برنجی رئیس وکیلی حسن فہمی بک افندی

کاتب: راغب بک (کوٹاہیہ)

۱۸ - ایلول - ۳۳۷ - بازار ساعت ۱۰-۲ صوکرہ

بیوک ملت مجلسی ریاست جلیلہ سنہ

باش قوماندانلق معاملاتک دہا بسیط برشکلده جریانی
ایچون باش قوماندانلق قلمی الفا ایدلشدر . باش قوماندان
مدافعه ملیہ وکالتی وارکان حریبہ عمومیہ ریاستی ایله
بالذات تاسدہ بولونورق چالیشہ جقدر . مدافعه ملیہ وکالتی
ایله ارکان حریبہ عمومیہ ریاستی وایجاب ایتدیکجه دیگر
وکالتلر باش قوماندان نردندہ وضعیت و معاملاتک ایجاباتہ
کوزہ لزوم کوریلہ جک مسأورلری بولوندر جقلردر .
بولزوم حسن اولوندججه باش قوماندانجه هاند اولدینی

رئیس — مجلس کشاد ایدلدی . ضبط سابق خلاصہ
صہسی او قونہ جق . (ضبط سابق راغب بک «کوٹاہیہ»
طرفدن او قوندی .)

رئیس — ضبط سابق حقندہ مطالعہ وارمی؟ (قبول،
قبول سسلری)

رئیس — ضبط سابق عیناً قبول اولندی .

رئیس — باش قوماندانلق معیتندہ کی قلمک الفاسنہ
ایدلدیکنہ دائر باش قوماندان پاشا حضر تدرندن برتلغراف
وار . برای معلومات مجلس عالیہ عرض اولنور .

بو یوک ملت مجلسی رئیس

باش قوماندان

مصطفی کمال

رئیس — دأذونیت طلبنده بولنان رفقای کرامک
تقریرینی دیوان ریاست تدقیق ایشمدر . دیوان قراری
اوقونہ جق :

هیئت عمومیہ

آئیدہ اسماری محرز ذواتہ معذرت قطعیدلرینہ
مبنی خذالزئیدہ کوسترلیدیکی مقدارده مآذونیت اعطاسی
دیوان ریاستجه نسیب ایدلمش اولمغله کیفیت هیئت عمومیہ نك
نظر تصویبنہ عرض اولنور .

بو یوک ملت مجلسی رئیس ثانی وکیل

فائق

رئیس — رضا نور بك (سیدوب) اوچ آیء
مأذونیتینی قبول ایدنلر لطفآ ال قالدیرسون : (قبول
ایدلشدر .)

یاسین بك (غازی عینتاب) — دیوان ریاست نصاب
مذاکرہ بی دها زیادہ نظر دقتہ آلہرق مآذون کیدنلرک
تشرین اول ابتدالزئیدہ مجلسہ اشتراک ایتک اوزره
عودتارینی نظر اعتبارہ آلیورمی ؟ قطعیا آلیور ظن
ایدرم . رجا ایدرم . دائرہ انتخابیہ لری اوزاق اولان
یوکی آرقداشلرمزه مآذونیت ویرمک دوعرو دکادر .
نصاب مذاکرہ بیہ خلل کله جک دیگر آرقداشلردہ
کیدہ میہ جک .

رئیس — افندم ! معلوم عالیکز مآذونیت مسائلی ذاتہ
تعلق ایتدیکی ایچون بونک تدقیق دیوان ریاسته عائددر .
مآذونیت حقندہ کی دیوان قراری حقندہ بلامذاکرہ رأی اشاری
ایله قرار ویردیلمر . مثبت و یا منفی ، دیوان ریاست
نصاب مذاکرہ بی ، نظر دقتہ آلیور . ولایم کان تدقیقانی
اجرا ایدیور . عرض ایدیورم . آرقداشلردن رجا
ایدرم که : نظامنامہ نك احکامنه رعایتکار اولم . نصاب مذاکرہ
اوزرنده مآذونیت مسائلی اوزرنده مذاکرہ ایتیلم .

یاسین بك (غازی عینتاب) — رئیس بك ! مساعده

بیوریکز .

رئیس — مساعده بیوریکز ، سوزیکز یوق .

طونہ لی حلمی بك (بولی) — یالکز رضا نور بکدن
رجا ایدرز عزیمتی تأخیر ایتسون .

رئیس — حاجی طاهر افندی (اسپارطه) برآیء قبول
ایدیلورمی ؟ (دها بیکی کلدی سساری) افندم ! مساعده
بیورک کچن ایامه مخصوصدر . قبول بیورمیانلر لطفآ ال
قالدیرسون افندم . بردها رأیہ وضع ایدیورم حاجی طاهر افندینک
برآی مآذونیتینی قبول ایدنلر لطفآ ال قالدیرسون افندم :
(قبول ایدلدی)

عثمان نوری بك (روسه) اولکی مآذونیتنک ختامندن
اعتبار آیکرمی کونء قبول بیورانلر لطفآ ال قالدیرسون :
(قبول ایدلدی افندم)

راغب بك (آماسیه) اوچ آیء قبول ایدنلر لطفآ ال
قالدیرسون : (قبول ایدلدی افندم)

اسعدبک (مازدین) اوچ آیء قبول بیورانلر لطفآ ال
قالدیرسون : (قبول ایدلدی افندم)

احمدبک (بوزغاد) اوچ آیء قبول بیورانلر لطفآ ال
قالدیرسون : (قبول ایدلدی افندم)

بکر صدقی بك (سیوه دک) اوچ آیء قبول ایدنلر لطفآ
ال قالدیرسون : (قبول ایدلدی افندم)

ابراهیم بك (ماردین) اوچ آیء قبول ایدنلر لطفآ
ال قالدیرسون : (قبول ایدلدی)

راسم بك (العزیز) ایکی آیء قبول ایدنلر لطفآ ال
قالدیرسون : (قبول ایدلدی)

ناجی بك (العزیز) اوچ آیء قبول ایدنلر لطفآ ال
قالدیرسون : (قبول ایدلدی)

رضا بك (بوزغاد) اوچ آیء قبول ایدنلر لطفآ ال
قالدیرسون : (قبول ایدلدی)

سلیمان سری بك (بوزغاد) ایکی آیء قبول ایدنلر
لطفآ ال قالدیرسون : (قبول ایدلدی)

آزانسک هر طرفه منتظماً نشر و تعمیمنک تأمین
ضمننده آیدین مبعوثی اسعد افندی ، ارضروم مبعوثی
طوراق بك ، آیدین مبعوثی سلیمان افندی تقریرلرینک

ایدلمشدی. و توزیع ایدلدی وعین زمانه دون اوقه ندی.
 — بو تعدیلنامه حقیقه انجمنلرجه بر مطالعه وارمی؟
 طوبه لی حاکمی بک (بولی) — افندم! ایکی ویادها
 زیاده اشخاص دینمز شخص دینور (دوغری صدالری)
 رئیس — شمدی او قونان راغب بکک تعدیلنامه سنده
 بر فقره علاوه سی تکلیف ایدیلورلر. نظر دقته آانلر
 لطفاً اللری قالدیرسون: (افندم! آکلاشیلما دی سسلری)
 رئیس — افندم! آکلاشیلما دی دیورلر.

راغب بک (آماسیه) — ایضاح ایدیم. افندم!
 عرض ایتدیکم وجهه معلوم عالیلریدرکه: بعضی آوجیلق
 چوق آانله اولور. قوش آوجیلری، حیوان آوجیلری
 بونلری بر نفک ایله ویا طوزاق ایله یابارلر. فقط،
 بعضی آوجیلر واردرکه: اونلر اولری اطرافدن قووالا.
 مق و ترصد ایتدیکی محله کتیرمک ایچون اجرتلی آدملر
 استخدام ایدلرلر. نه کیم بالقجیلر آغ قورارلر. آغ
 چکرلر. بالقچی بر آدم دیمکدر. آوک منفعتی بر آدمکدر.
 فقط، آغ سریمکه وسائر یه یاردم ایچون آدم استخدامنه
 مجبوردر. اونک هر دفعه سنده استخدام ایتدیکی آدملر
 یایمق بویله اولورسه تذکره آلفه احتیاجی واردر. حالوکه:
 آوجی بر آدمدر. آلات بردر. بونک استخدام ایده جکی
 آدملرک تذکره دن استثناسی لازمکلیر. مسئله بوندن
 عبارندر.

صلاح لدین بک (مرسین) — اجرتله استخدام ایتدیکی
 آدم نسبتنده تمع ویرمی لازمدر. حالوکه: اوزات
 بر تذکره ایله قورتیلور. علی العاده بر صیاد کبی بر تذکره
 ایله وظیفه کوره جکدر. عجبیا بوراده خزینه تک منفعتنه
 ضرر اوله ییلورمی؟

راغب بک (آماسیه) — او وقت اولور، اونک ده
 فضله اجرت ویرمی لازمدر.

عبده افندی (ایزمیت) — رفیق محترمک سهویلدیکی
 سوز خزینه تک منفعتنه مضردر. بیلیر سکرکه:
 بردالسان سکر، طقسوز، اون کشیلک اولور.
 اکثریا بو اشخاص حصه دادر. بونک ایچون قطعاً
 دوغری کلدر. هر برلری بر رخصتنامه آملیدر.

داخلیه وکالتنه حواله سی تکلیف ایدیلورلر. آرزو
 بیورورسه کز داخلیه وکالتنه حواله ایدم. (های، های
 سسلری)

رئیس — روزنامه مذاکره کچیوروز. ضابطه صیدیه
 نظامنامه سنک بعضی موادینک تعدیلنه دائر قانونک هیئت
 عمومی سی - تذکره مذاکره باشلامشوق هنوز خنامه ایرمه مشدی
 سوز ایستین ذوات اسملری قید ایتدیرسون...
 او حالده هیئت عمومی سی حقیقه سوز ایستین بوق.
 ماده لر کچیلما سی قبول ایدنلر لطفاً آل قالدیرسون:
 (ماده لر کچیلما سی قبول ایدلمشدر)

ماده ۱ — ۱۸ صفر ۱۲۹۹ تاریخلی ضابطه صیدیه
 نظامنامه سنک اوچنجه ماده سی بوجه آئی تعدیل
 اولمشدر:

صیاده ویرله جک رخصت تذکره سی (ایچون)
 (آنجق) یوز غروش آنور. بوند کره لر منحصراً شخصی
 وصیادک نامنه اعطا اولوب حکمی منسوب اولدیقی سنه
 مالیه به مخصوصدر. ایکی ودها زیاده اشخاص یالکیز
 بر تذکره ایله صیادلق ایدمزر.

بصری بک (قره سی) — صیاده یرینه آوجیه
 دینلسون.
 راغب بک (آماسیه) — رئیس بک! بر تعدیلنامه
 وار.

رئیس — افندم! بر تعدیلنامه واردر. او حالده
 تعدیلنامه یی اوقویه جغز.

ریاست جلیله
 ضابطه صیدیه نظامنامه سنک برنجی ماده سنه فقره
 آتیه تک علاوه سی تکلیف ایلرم.

آنجق متعدد اشخاص ایله اداره سی لازم کلن
 آلات صیدیه ایچون بر تذکره کافیدر. آماسیه
 محمد راغب

اوپراتور آمین بک (بروسه) — مناسب، مناسب.
 طوزاق بک (ارضروم) — تعدیل ایدیلن ماده
 نهدر عجبیا؟ شو اوقونسه و آکلاسیق.

رئیس — دون اوقوندی و یازدیکن ماده اولجه طبع

خزینہ نك مضرتی ووجیدر .

رئیس — تعدیلنامہ اوقوندی . صاحب تقریر
ایضاحاتہ بولندیلر .

سری بك (ایزمیت) — اعتراضاتہ مالیہ وکیلی بلك
جواب ویرمسی لازمدر .

مالیہ وکیلی حسن بك (طربزون) — عیناً قبولی
استرحام اییدیورم .

رئیس — اقدم ! تعدیلنامہ بی نظر مطالعہ بی آنلر
لطفاً ال قالدیرسون : (تعدیلنامہ نظر اعتبار آندی) .

رئیس — وان مبعوثی حق بلك بر تقریری وار
اوقونہ حق .

ریاست جلیلیہ

مذاکرہ ایتمکده اولدیغمز قانونک برنجی مادہ سندہ کی
صیادہ ، صیادک ، صیادلک کله لرینک آوجی بہ ؛
آوجینک ، آوجیلک صورتده تعدیاتی تکلیف ایدرم .

وان

حق

رئیس — تقریری نظر مطالعہ بی آنلر لطفاً ال
قالدیرسون : (نظر مطالعہ بی آندی) یعنی عہدہ کله
یرینہ تورکجه کله لر قونہ حق . مادہ بی رأی عالیکزه وضع
اییدیورم .

حدی بك (آماسیہ) — سر لوحہ بی دیکشدر مرک
لازمدر .

رئیس — مادہ بی تصحیحات و جهله قبول بیور اندر
لطفاً ال قالدیرسون : (برنجی مادہ تصحیحات و جهله قبول
ایدلی .)

طونہ لی حلمی بك (بولی) — اولادہ آوجی ضابطہ سی
قانونی دیمہ سی لازمدر .

رئیس — سر لوحہ سندک دخی تورکجه : ولہرق
تصحیحی قبول ایدنلر لطفاً ال قالدیرسون : (طبیی
صدالری) تصحیح ایدلی .

ایکنجی مادہ — قانون مذکورک دردنجی مادہ سی
بروجہ آتی تعدیل اولونمشدر : دکز و دکزدن معدود
اولان جسیم کوللر داخلندہ و بجرہ منصب نهرلرک منصبلرندہ

کوک دالیان وکوک آغ و اواطہ واسطہ سیلہ صید اولنان
بالقردن میدیہ ، استردیہ ، طراق ، پنسی ، سولونوس ،
و آسوادیس ، ینکچ ، استاقوز ، تکہ و مائل حیوانات
مقشرہ بحریہ ایله نهر ، کول و درہ لردن صید اولنان
بالق و حیوانات نهریہ دن یوزده اون بش رسم آنور .
بورسملرک صینک جملہ سی دوعر بجه بالقخانہ سی اولان
محللرده بالقخانہ لرہ کوتورولرک مأمور و اصحابی حاضر
اولدقلری حالده منادی واسطہ سیلہ بالمزایدہ تقریر ایدن
قیات اوزرندن استیفا وانور .

رئیس — ایکنجی مادہ حقندہ انجمن ایضاحات
ویرہ جکی ؟

خلیل ابراہیم افندی (ایزمیت) — بعض کوللری
ماتزمہ ویرلر ، ملتزمہ احالہ ایدرلر . بعض کوللردن
رسوم آنماز . ملتزمہ احالہ ایدیلن کوللردن باشقہ رسوم
آنیرمی ، آنمازی ؟

رئیس — بدل التزامدن باشقہ آلوب آلیجی
حقندہ سؤال اییدیورلر .

مصطفی کمال بك (ارطغرل) — اولاشو قانون
حقندہ علاقہ دار اولان ایضاحات ویرسون آکلامیوروز .
کوری کورینہ مذاکرہ اییدیوروز ، اساس نہ در ،
تعدیلنامہ نہدر ؟

رئیس — انجمن ایضاحات ویرسون !
عبداہ افندی (ایزمیت) — رئیس بك ! مالیہ وکیلی

بک ایضاحات ویرسونلر ، اساساً بویله بر قانون واردر .
بوقانونہ نهدن احتیاج حسن اییدیور ؟ دیون عمومیہ می
تکلیف اییدیور ؟ بویابده ایضاحات ویرسونلر . آرقداشلر بیزک
بیوردقلری بک دوعر بیزر .

مالیہ وکیلی حسن بك — مساعده بیورورسہ کر
بوقانونک تأخیر مذاکرہ سی استرحام ایدرم .

رئیس — اقدم ! مالیہ وکیلی بك مذاکرہ نك تأخیری
تکلیف اییدیور . بو خصوصده کی مذاکرہ نك تأخیری تنسیب
بیور بیورسکزدکلی ؟ (موافق سساری) تأخیر ایدلشدر .
رئیس — طوز نظامنامہ سی حقندہ کی قانونک
مذاکرہ سنہ کیوزر .

مذاکرہ سنہ کیوزر .

اسباب موجهه لایحه سی

حوایج ضروریه آه سنده فیانی اصغری اون ، اعظمی الی ودها فضله مثل تریڈ ایتمش انجق دولت انحصارنده طوزدر . بوندن بشقه ات ، اٹک ، یاغ ، یورطہ ، پینیر، سود، یوغورت کبی بونلرک جملہ سی مواشیدن استحصال ارنقمدہ بولمنسنہ مبنی طوزله طبیی برعلاقہ یہ مالکدرلر . حوایج حیاتیہ مزدن اولان اٹکک قیہ سی برغروشدن اون بش غروشه ترفع ایلدیکی کبی اٹک قیہ سی یوز ، یاغک ایکوز الی غروشه صائیلدینی بوزما نلرده طوزک کیلوسی اوچ غروشه صاتمق اقتصادیانک زولتہ عائد قسمندہ غیرمعقول برموازنہ سزلیکک ممالحدہ اعمالیہ و اخراجیہ و ہیئت انضباطیہ مصرفلرینک براوقدر دہا آرتمش اولسی مواجہہ سنده ادامہ سی موافق اولہ میہ جفہ کورہ ممالحدہ طوزک کیلوسنہ ایکی غروشک ضمیالہ بش غروشه صائدبرلسی حس ایدیلہ جک تکالیفدن عدایدیلہ میہ جکی آکلاشلمش و بوباندہ تنظیم قلنہ مادہ قانونیہ مربوطاً تقدیم قلنمشدر .

طوز رسسنہ دائر اولان ۲۳ ایلول ۳۶ تاریخلی قانونی معدل لایحه قانونیہ:

مادہ ۱ — ۲۳ ایلول ۳۶ تاریخلی طوز رسسنہ دائر اولان قانونک برنجی و بشنجی مادہ لرنده محرر اوچ غروش بش غروشه ابلاغ ایدلشددر .

مادہ ۲ — قانون مذکورک ایکنجی مادہ سی اشبو قانونک موقع مرعیته وضعندہ تکرار تطیق اولنہ جقدر .

مادہ ۳ — اشبو قانون تاریخ نشردن معتبردر .

مادہ ۴ — اشبو قانونک اجراسنہ مالیہ و کیلی

مأموزدر . ۲۲ مایس ۳۳۷

عدلیہ و کیلی شرعیہ و کیلی اجر و کیلری ہیئت ریسی رفیق شوکت فہمی مدافمہ ملیہ و کیلی فوزی

مالیہ و کیلی خارجیہ و کالی و کیلی داخلہ و کیلی حسن حسنی فوزی عطا

اقتصاد و کیلی نافعہ و کیلی معارف و کیلی محمود جلال عمر لطفی حمدالله صبجی

ارکان حریریہ عمومیہ و کالی و کیلی صحیہ و معاونت اجتماعیہ و کیلی فوزی دوقور رفیق

قوانین مالیہ انجمنی مضبطہ سی

۲۳ ایلول ۳۶ تاریخلی طوز نظامنامہ سنک بعض موادینی تعدیلاً ہیئت و کیلہ دن تنظیم قلوب انجمنزجہ حوالہ اولان لایحه قانونیہ بالتدقیق طوز رسمنک بش غروشه ایلاخی حقندہ درمیان اولان اسباب موجهہ انجمنزجہ دہ وارد کوریلہ رک تکلیف مذکور عیناً قبول ایدلکک موازنہ مالیہ انجمنہ تودیع اولتور .

کاتب	مضبطہ محرری	رئیس انجمن
نجیب	علی وفا	ارضروم
اعضا	اعضا	اعضا
اعضا	اعضا	اعضا
اعضا	اعضا	اعضا
اعضا	اعضا	اعضا
اعضا	اعضا	اعضا
اعضا	اعضا	اعضا
اعضا	اعضا	اعضا
اعضا	اعضا	اعضا

موازنہ مالیہ انجمنی مضبطہ سی

۲۳ ایلول ۳۶ تاریخلی طوز نظامنامہ سنک بعض موادینی تعدیلاً ہیئت و کیلہ دن تنظیم قلوب انجمنزجہ حوالہ اولان لایحه قانونیہ بالتدقیق حکومتک تکلیفی موافق کورولمش اولقلہ مذکور قانون عیناً قبول ایدلش اولقلہ ہیئت عمومیہ عرض و تقدیم قدری .

کاتب	مضبطہ محرری	موازنہ مالیہ انجمنی رئیس
ماردین	صاروخان	مظہر مفید
نجیب	مصطفی نجابی	
اعضا	اعضا	اعضا
بازید	قوزان	قسطنونی کوتاہیہ
عاطف	دوقور مصطفی	دوقور سعاد بسیم آتالی
اعضا	اعضا	اعضا
کنگری	یوزغاد	قیرشہری توقاد
نشئت ناظم	احمد	صادق مصطفی
اعضا	اعضا	اعضا
آنطالیہ	اسپارطہ	آنطالیہ قرہ سی
علی وفا	حسن حسنی	حسن حسین
اعضا	اعضا	اعضا
چوروم	ایچ ایل	نیکدہ
ہاشم	محمدناوق	حق

مالیه و کیلی حسن بك — افندم ! لیکن سنه هیئت
 جایله کزجه قبول ایدیلن بر قانون موجبجه ممالک عثمانیه
 طوز مملکه لرده صاتیلان طوزک فیات رسمیه سی (۳)
 غروشدرد . احتیاجی استحصالات داخلیه ایله تأمین
 ایدیله مین ممالک بعیده ممالک اجنبیه دن وقوع بوله حق
 ادخالندن ده کمرک رسمی نامیله بر رسم آلتیور . وینه یکنونی
 (۳) غروشدرد . ۲۳ نوسرولی قانونده بوسته کی موازنه
 عمومیه لایحه سیله بو قانونک تعدیلی یعنی طوزک فیات
 رسمیه و ادخالات واقع اوله حق یرلده ادخالات رسمی
 اولان (۳) نروشک (۵) غروشه ابلاغه دائر بر قانون
 تکلیف ایدلمشدی . بو لایحه موازنه و قوانین مالیه
 انجمنلر نجو تدقیق ایدلمش و حکومتک تکلیفه موافقت ایدلمشدر .
 مقصد فیات رسمی ایله ادخالات رسمی برابر اوله رق
 (بش) غروشه ابلاغدر . بو قانونک ایکی اسباب موجبیه سی
 واردرد . بریمی هیئت جلیله کزک معلومی اولان بودجه
 حزنده کی آچینه قارشولوق واردات تدارکی ایچون آریانلان
 موازنه میاننده طوز رسمنک فیات میریسنکده (۳)
 غروشدرد (۵) غروشه ابلاغه مجبوریت حاصل اولمشدر .
 یعنی سببک بریمی احتیاجات مالیه ، ضرورت مالیه دن .
 ایکنجی بر سبب ده اواردرکه : اسباب اقتصادیه مستدر .
 معلوم عالیبری اولدیغی وجهله طوزک حرب عمومی دن اول
 کیلوسی بر غروش بش پاره یه صاتیلیوردی . اوزماندنبری
 حربک تولید ایتدیکی وقایع اقتصادیه و اشیا اجر ترلنده
 حصوله کن فوق العاده رقی طوزک فیاتده وسطی اوله رق
 اون مثلنه ابلاغ ایدلمشدر . وقتیله مملکه لرده بش ، اون غروش
 یومیه ایله تدارک ایدیلوب استخدام ایدلمکده ایکن بو کون
 مملکه لرده حد اصغری الی غروش یومیه ویرلمک مجبوریتنده
 قالمقده در . نتیجه اعتباریله (اوج) غروش فیات رسمی
 ایله مملکه لرده صاتیلان طوز رسمی پک جزئی برشی
 یراقمده در . حتی بعض مملکه لر ضررینه ایشلمکده در .
 بو ایکی اسبابه بناء طوز رسمنک (اوج) غروشدرد
 (بش) غروشه ابلاغه حکومتجه احتیاج حس
 ایدلمش و تکلیفده موازنه و قوانین مالیه
 انجمنلر نجو قبول ایدلمشدر . واقعا طوز احتیاجات ضروریه دن

معدود اشیا اولوق اعتباریله و بالخاصه کویلی و ارباب
 زراعت و حیوانات صاحب لرینک ده ا زیاده استهلاک ایتدیگری
 بر ماده اوله یفتدن بویله مواددن آغیر رسم استیفاسی هم
 نظریات مالیه جه هم معیشت و عدالت نقطه نظر دن براز
 شایان تنقید کورولورسده عینی زمانده عرض ایتدیکم
 ایکی سبب ، مصارف ضروریه به بالخاصه مصارف استحصالیه
 آتیق تقابل ایده بیلمه سی و صوکره و بر کولرک تحصیلی
 قولای اولان اشیا به ، منابعه و ضمیمه یه نظریات مالیه نک قبول
 ایتدیکی شکللردن اولوق اعتباریله محدودی اولمغله برابر
 قابلیت تطبیقه سنده کی سهولتی و بالخاصه خزینه به شو مشکلات
 مالیه ایچریسنده لاقول و میلیون قدر واردات تأمین ایتمه سی
 ح بیله بولایمکنک شایان قبول اولدیغنه قناعت حاصل اولمش
 و حکومتک بو قناعتده موازنه مالیه انجمنی اشتراک ایتمشدر .
 تکلیف ؛ رسمی فیات میرینک (۳) غروشدرد (۵) غروشه
 ابلاغدر . مع مافیله مملکه لر دن یاییله حق نقلیات ایدیلوب
 عمومیه معرفتیه بعض معین یرلده طوز ده بولری آچهرق
 دوغریدن دوغری به ارباب استهلاک ، فیات میریسیله
 طوز صاتمغه چالیشهرق ارباب تجارنک نقل ایدوب مشتریله
 ۸ - ۱۰ غروشه صامتقلری فیاتدن ده ا دون
 بدل ایله مال اونسی ایچون تدابیر اتخاذ ایدیله چکدر .
 ممکن مرتبه ارباب احتیاجک آیاغنه قدر طوزی کتیره رک
 امکان دائر سنده انبارلردن فیات رسمیه اوزرینه طوز
 صاتیغنی توسیبع ایتمک صورتیله فیانه علاوه ایتدیکمز
 مقداردن بر قسمی نقلیات متوسطه دن استفاده ایدرک
 و مصارفدن قور تولوق صورتیله تلافی ایتمک ایسته یورز .
 هر حالده قانونک عرض ایتدیکم اسبابه بناء قبول ایدلمسی
 لازمدر .
 نبیل افندی (قره حصار صاحب) — شمده بو (۳)
 غروش رسمی (۵) غروشه ابلاغ ایده چکنر بو ، خارچدن
 کله چک طوز لرده تطبیق اولنه چقمی ؟
 مالیه و کیلی (حسن بك) — اوده وار افندم . اگر طوزی
 خارچدن ادخال ایتمک مجبوریتنده قله حق اولورسه ق اوننده
 بش غروش رسم تحصیل ایده چکنر .
 نبیل افندی (قره حصار صاحب) — صراحت یوقدر .

اگر بونی بوبله قبول ایدم جک اولور سهق داخلی استحصالات
صفره اینه جکدر . وسائط داخلیه من مفقوددر . او وقت
پایه میه جقز .

مالیه وکیلی حسن بك — خارجدن كان طوز اردن
گرك رسمي اوله رق اوج فروش آ لور و ادخال
ایدیه ردق . فقط ایکی آیدنبری، اوج آیدنبری یا پیلان
تممیلر ایله بالخاصه استانبولنده کی دیون عمومی، مزدن
محتاج اولدیغمز طوزی جلب ایتک . . . حتی تقلباتی
داخل اولدینی حالد اوجوز بر فیأله جلب
ایتک امکانی حاصل بولندینی ایچون بوتون سواحل مزه
استانبول دیون عمومیه اداره سی واسطه سیله
طوز کلکده در . فقط ممالک اجنبیه دن طوز ادخال
ایدیه مکدر . فقط، بحوریت کورور سهک کرک استحصالات
وادخالات و کرکه استانبولدن کله جک طوز موارد تیه
مملکت مزک طوز احتیاجنی تأمین ایدم مز سهک ادراپی طوز سز
بر افقدن ایسه خارجه طوز وار ایسه ادخالی قبول ایتک
ظن ایدر سهم شایان تر و بجدر . فقط فعلیاتده بو واقع
اولما مقده در . مع التأسف بو کون وسائط نقلیه مفقوددر .
نبیل افندی (قره حصار) — داخلی استحصالات
پایه میه جقز . بناء علیه اگر خارجدن کله جک طوز ک کیلوسی
بش فروش اولور سهه دکر بولنی آچه جقز . سواحل
وسواحدن دهها یوز کیلو مترو بری لری به چوق ادخالات
پایه جقز . صکره زیان ایدم جکز .

مالیه وکیلی — حسن بك بش فروشه ابلاغ ایدیه جکی
تصریح ایداشدر .

راغب بك (آماسیه) — وکیل بك ! عجیبا
طوز رسمنک (۳) فروشدن (۵) فروشه
چیقارلسنه حاصل اوله جق و اردات اله
دها اولکی وارداتک ارقامی مقایسه و ایضاح
ایدیه بیلیر میسکز ؟

مالیه وکیلی (حسن بك) — بك اسکی زمانلرده کی
ارقام، معلوم طالبکنز مالیه به یکی کلدیم . طوز رسمی دیون
عمومیه به عانددر . طوز مقداری استحصالاتی ، و وارداتی
سنه دن سنه به تخلف ایدر بونلرک هسی ، واردات

مخصوصه جمع ایتمکده اولدینی ایچون بزده قیدی بو قدر
قطع سزی تأمین ایدم بیلیرم که : اوته دنبری یا کلیش ر نظریه
وار : رسم اوج فروش اولور سهه استهلاکات زیاده
اولور ، یکون اعتباریله واردات زیاده اولور بونی بش
غروشه ابلاغ ایدم جک اولور سهه کز واردات دخی آزالیر .
بوغایت یا کلیش بر نظر یه در . افندیم بونی هیچ بر کیسه
اثبات ایدم من . بو داها زیاده پوسته و تلغراف اجر تلرنده
موضوع بحث اولان بر مسئله در . نقلیات تعرفه لرنده موضوع
اولان شیددر . استهلاکاتی عمومی و ضروری اولان
اشیاده بو وارد دکدر . بونوع اشیا به هر وقوع اولان
ضمیات ایستاستیق لرنده ارأه ایتمکده اولدینی وجهه
هر حالد واردات بر شی علاوه ایتدیکی ارباب و قوفک
بالجمله اجرا ایتدک لری تدقیق ابله ثابت اولمشدر .

یاسین بك (غازی عینات) — حزینه رسمک اوج
غروشه ابلاغنده قرق بیك لیرا ضرر ایتدی ، بونی دیون
عمومیه اثبات ایدر .

مالیه وکیلی — خاییر افندیم ! اثبات ایدم من .
یاسین بك — بر سؤال صورده جقز . مالیه وکیلی بك
بو یوردیلر که : نقصان بو قدر . بنده کز بوراده کی دیون
عمومیه به صوردم . رسمک اوج غروشه ابلاغنده قرق بیك
لیرا صاییش فیأتنده ضرر ایتش . بش غروشه ابلاغنده
ایسه سکسان بیك لیرا ضرر ایدم جکدر .

مالیه وکیلی حسن بك — بوبله بر شیء واقع دکدر ،
بونی رد ایدم . چونکه : بولایحه نی حکومت حاضر لار کن
طوز رسمنی جبات ایدن دیون عمومیه مدبریتک رأی ده
آلنمشدر . هر حالد ضم فیأتک واردات تأثیر ایدم جکی
و حتی عرض ایتدیکم کبی بوا یکی غروش ضمک برسنه
ظرفنده بر میلیون لیرا قدر فضله واردات کتیره جکی
دوشونلش وارکا کوره تکلیف ایدلشدر . مدبریت عمومیه نک
مطالعه سی یا واقع دکل و یا خلاف حقیقتدر .

ضمیر بك (آطنه) — اصول مذاکره حقنده
عرض ایدم جکم . بو قانون مملکتک حیاته تعلق ایدن اقتصاد
انجمنه کیتمنی رجا ایدرم .

بصری بك (قره سی) — مسئله مستأخره نک

تقدیماً رایہ قونہ سنی تکلیف ایدرم .

عبداہ افندی (ازمیت) — بزده برعلت واردر .
 پارہیہ احتیاج حس ایتدیمی ؟ فلان شیئک اوزرینہ ضمیات
 اجرا ایدم ، پوستہ نک اوزرینہ ضمیات اجرا یایلم ،
 طوزک اوزرینہ ضمیات یایلم . بز . طوزہ ضم ایتدی کمز دھاوج
 اولمادن قرق پارہ دن اون ایکی غروشه چیقاردق . بوکا
 بندہ کنز ، موازنہ مالیه انجمنہ دہ مخالف ایدم . بورادہ دہ
 عیناً سویلک ایتدم . بوملک اوزرینہ بیوک بارعظیم
 تشکیل ایدر . بوکون طوز رسمی اوچ غروش اولدییی
 حالہ ، آرقداشلر! اون بش غروشه اہالی طوز آیلور .
 بش غروشه ابلاغ ایدیلیرہ قاجہ ساتیلاجقدر ؟ انصاف
 ایدم . بوماتہ نرمان انصاف ایدہ جکیز ؟ ملتہ نہ وقت
 ایلک ایدہ جکیز ؟ موازنہ مالیه انجمنہ دہ بندہ کنز مخالف
 اولدیغ حاندہ بونی سویلورم . فقط موازنہ مالیه انجمنی
 بونی اضطراری اولارق قبول ایتشدر . بودجہ بی توازن
 ایتدیرمک ایچون ویرکولرک اوزرینہ یوزدہ قرق ضم
 ایدیور . بناء علیہ طوزک اوزرینہ ضمیات اجرا ایدلمسی
 موافق معدلت دکلدیر . ایکنجی : یارین استانبول آچیلاجق
 اولورسہ طوز قاجا قیلغنک اوکی آلامیز . مالیه وکیلی
 فریدک آرقداشلرک زمانہ دہ طوز رسمہ ضم ایدلمشدر .
 ہر حالہ بونک ردیی تکلیف ایدرم . و آرقداشلر
 بیوردیلرک : اقتصاد انجمنہ علاقہ سی واردر او حالہ
 قرارہ لزوم یوقدر . اورایہ کیتسون .

ہاشم بک (چوروم) — انجمن مضبطہ محرری
افندم ! . . .

خلیل ابراہیم بک (انطالیہ) — مسائل اقتصادیہ دن
اولاییلیر . فقط بتون مسائلک . . .

رئیس — افندم ! بولایمہ قانونیہ نک اقتصاد انجمنہ
حوالہ سی تسیب بیورانلر لطفاً ال قالدیرسون :

مالیه وکیلی — اقتصاد ایلہ علاقہ سی یوقدر .
رئیس — عکسئی آرزو بیورانلر لطفاً ال قالدیرسون

مذا کرہ نک دوامنی قبول ایدنلر ال قالدیرسون : (مذا کرہ یہ
دوام ایدہ جکیز)

وہی افندی (قونہ) — افندم! شوکرسی دہ ہیئت

وکیلہ نک ، فلان قطعہ دن مصرفز آزلمشدر ، وارداتمک
شوقسہ سی اہالیرک اوزرندن قالدیرہ جغز دیدیکئی کورم پورز
و کورمیہ جکیز . عبداللہ افندینک پوبوردقلری وجہلہ
افندیلر! ضم ایدیان ایکی غروش آرزوشی . فقط کویلیارہ
یکرمی بش غروشه مال اولیور . بو تحبیل ایش ایش اولدیغمن
بار ثقاتی دوشونہ زنگہ ہیچ اولمازسہ بول بول طوزیہ لری
باری قیید ایتیم . بر اوقہ طوز کویلی یہ تام یکرمی بش
غروشه مال اولیور . کویلنک عسکرلک طولایسیلہ
چقی بوزولدی ، وارداتی قلمادی . طوزدہ یکرمی بش
غروش اولورسہ رجایدہ دم نہ اولور ؟ طوزیہ مہین کویلر
واردر . نہ دن ایکی غروش برشی دکل ؟ بونک وسائط
قلیہ سی و کراسنی دوشونہ لم . بونی نہ قدر نجسارتلہ
صاہتہ جق ؟ بناء علیہ بومادہ نک ردیی تکلیف ایدرم .

طونہ لی حامی بک (بولی) — افندم ! خواجہ
افندینک سوزلری مع التأسف بنجہ رد وجرحہ لایقدر
ظننہ سیم . حتی ظن دکل ، شدتلی بر فکر طاش بیورم .
ضبطلری آچاق اولورسہ ق آرقداشلر! کورہ جکیزکہ :
کچن سنہ تمامیلہ سوبلنمش سوزلر بوفعہ دہ عیناً سویلنمشدر .
بو عاجز آرقداشلرک بورادہ ینہ عینی صورندہ باغیرمش
ودیمشدرکہ : پارہ ، پارہ ، پارہ . . . بناء علیہ مادامکہ :
بودجہ آچینی واردر و بودجہ آچینی مناسبتلہ زواللی محمدم ،
زواللی کویلیلم انقاریہ یہ قوشدیر یلیور . کل محمدجکم ،
قوش آرابہ یی ، قوش اوکوزلری یوکلن شونی دیلور .

او حالہ بن بوضعی اوپردہ باشہ قویارم . چونکہ قانونیدر . چونکہ
محمدحک یکرمی ملیون یرینہ اون طقوز ملیون آچیق قارشو سندنہ
بولنہ جقدر . انشاء بزم کویلیمز تمامیلہ اسکی کویلیلکدن
قوریلہ جقدر . چونکہ بو ظفر اونک نشانیدر و اونک اویانمسیدر .
او کویلونک اویانمہ سی و کویلونک حقنی ادراک ایتھی
سایہ سندنہ درکہ : بوکون ملت جوشمش و دشمنی قووالامشدر .
وقووالیور . بناء علیہ یکی بردور آچیلشدر . رانشاہ
تعالی اودوردہ محمدنورانی برستون کبی کوکلہ . یوکسہ لہ جک
وکویلیلر اونک اطرافندہ طواف ایدہ جکدر . بناء علیہ
قانونک قبولی تکلیف ایدیورم .

جاوید بک (قارص) — آرقداشلر! طوز مسئلہ سی

برقاج قطعه نظر دن دوشونولمك لازم . فقير كويلى ات
 بهاليدر ديه ييه ميور . اقساملى بر طوزلى چوربا
 بايوردى بز طوز فياتي ده ات فاني ده ابلاغ ايده جگيز .
 بو برنجيسى؛ صوكره ايكنه جيسى: بر جوق عشار واردر .
 مثلا: بز داتره اتخايه كبي وان بتليس قارص بازيد كبي
 برلرده بولنان عشار بر جوق قيون بسارلر . بونلر قيونلرينه
 بهمه حال طوز بيديرمك مجبور يتنده درلر . افتديلر ! طوز
 فياتي اوچ غروشه چيقد قدن صوكره طوز آوب حيرانلرينه
 بيديرمكي ازالتمشدر . يعني اوچ غروشدن حكومت
 طوز صانامدى . فياتي بو كسلك صريفات آزالدى . افتديلر !
 كويلىلر طوز آلوب بيدير ميور . صكره بهض برلرده طوزى
 قويو ويا منبلردن چيقارلر . اكر طوز اوچوز
 اولورسه چاقچيق اولماز . سرقت اولماز . سوء استعمال
 اولماز . اهالى جهرا اوچ غروشه آنگه مجبوردر . فقط
 كوينه كيدوب يكرمى بش غروش صاته جق . قاغز مانده
 بز طرفده اولوقده طوز قوجه مان داغ حالنده در .
 كانلر ، چنلر وورور باطه يي بر آز چيقار ي كيدر . قاغز مانده كي
 مملحه ماموريله كوروشدم . ديدم كه : نه در بو چاقچيق ؟
 سز بونلري محافظه ايده جكسيكز فلان ايده جكسيكز ،
 بوراسنى نچون محافظه ايتيورسك ؟ اكر محافظ و بريلرسه
 كيمسه به بر پارچه جق شي قاپديرام ديدى . دمك كه :
 بر طاور ، عسكرى طوز مملحه سنه كوندرلم . معروفام
 طوزك فاني آرتدردنجه چاقچيلى ده جوغاله جغز .
 اوچاقچيلر طاغك بر كنارندن طوزى چاله جق ، قاچه جق
 بو جهندن ده صريفات آزله جق ، صكره چاقچيق
 بايديرمه جغز ديه محافظه مامورى كتيره جگيز . ماموره
 معاش ويره جگيز ، ضم ايتديكمز اوپاره ي ده بو يولده صرف
 ايده جگيز . يعنى حساب ايده جك اولورسه ق نتيجه اعتباريله
 هيچ بروقت منعت بو قدر . يالكيز كويلى ايله خزينه به
 بر ضرر حاصل اوله جقدر . بناء عليه ردينى تكليف
 ايدرم .

ياسين بك (غازى عينتاب) — كويلى بر ليكن
 خاموره بر پارچه طوز اتان برديل اكمك پيشين بر .
 اقسامه پيشيرديكى بر جور بادر . اوگا برقاشيق طوز اتان

بهارى ، قره بوبرى وسارده سى هب طوزدر . بوميانده
 حيواناتده طوز وورر . بن بونى صورت مخصوصه ده
 تدقيق ايتدم . ده اوچله بايىلاف ضميانده رسمك بردن
 اوچه ابلاغنده قرق بيك ليرا آچيق و برمشدر .
 ماليه وكيلى حسن بك — بو قطعياً وارد دكلدر .
 واردانك آرته جقنى بن تعبه ايتيورم .

ياسين بك (دوامه) — طوز استهلاكي چاقچيق
 صورته دوام ايتيور . قانونك چيقته جيلر ، محمد جگيز نامنه
 ردينى طب ايدرم .

ماليه وكيلى بك — افندم ! اعتراضى ديكه دم .
 خلاصه عرض ايتديكم وجهاله استماسلى برنقطه هيكزك
 قلبنه درقوشمدر . اوده طوز كي احتياج ضرور يه دن
 اولان بر ماده نك باخاصه اك فقير صنمك ، ارباب زراعت
 ومواسى صاحبلىرينك ، باخاصه مواسى صاحبلىرينك ديكر صنفله
 نسبتاً دهازياده محتاج اولدينى بر ماده اولمى اعتباريله
 طوز رسمك ايسته نيلايكى طرزده تزويدنك موافق
 اولماديني يولنده در . دمين عرض ايتشمك كه : بولايه نك
 تكليف ايدلمسك ايكي سببى واردر . بريسى ضرورت
 اقتصاديه ، بريسى بودجه نك آچيى بوهمز جا معلومدر .
 افندم ! خزينه يه واردات تامينى محتمل اولان هر منبعه
 مراجعت ايتمك مجبور يتنده بز . بونى قطعى اوله رق عرض ايتيورم
 هر هانكى بر منبع كه : بز اوچ ، بش غروش و يرر . اورايه
 مراجعت مجبور يتنده يز . بو دعوائى كورمك ايچون بو
 لازمدر . ثانياً بر مصارف استحصاليه مسئله يى واردر .
 بوكون بنده كز اوچ غروش فى ميري ايله اداره ايتمين
 مصارف استحصاليه سنى قورومين مملحه لره مالكم .
 صكره بو مملحه لرى قبايرم . افتديلر ! ضررينه ايشله نامم .
 نهالى يه طوز ويره جكم ديه ايشاتمه سى مشكل اولان
 مصارف استحصاليه سنى بهالى اولان منطقه لره كي مملحه لرى
 قيامت مجبور اوله جغ . بونكده نتيجه سى او منطقه ده كي
 اهالى نك احتشكارله طوز ييه سنى انتاج ايدر . بشقه رشى
 اوله ماز افندم . بو قانونك باياجنى تاثيرى نظر دفته آله رق
 و صنوف اجتماعيه ايچنده هانكى صنمك ، هانكي سنك
 اوزيشنه دهازياده چوه جگيز سله رش و خصه صوات

حالا بونك ۳ ، ۴ غروشه صائلماسی دوغری دکدر .
ایکی غروش ضمی ایله ایله بش غروشه صائلماسی موافق
معدلت دکدر .

طونه لی حامی بك (بولی) — حتی اون غروشه .
حتی حامی بك (دوامله) — کویلی نك حقوقی بویله
یا لکز لافله محافظه ایتمه ملیدر . کوی اوشاغی سندن بویله
ایکی یوز لیلک ایسته مز .

طونه لی حامی بك (بولی) — اگر سنده بو سوزی
طونه لی به سوبله بورسه ك آنی قاریشلام .

حتی حامی بك (دوامله) — عرض ایتمش ایدم که:
اسباب موجه اوله رق ایکی شی کویتمشدر . یا لکز
دوشونمور لرکه : اتمه سائرته نك فیاتی نهدن بو کسلیدی ؟
بو منافع عمومی به تعلق ایدیور . علای اعلای تنقیص
ایده حک بر شکل دوشونمک لازم می ، دکلی ؟ بوجهت
دوشونلیور . مادامکه فلان شی ترقی ایتمش بوکاده ضم
ایدهم بوده یوکساک . اقدیلر ! بونلر ظن ایدرم
ملتی تمیل ایدن ، ملک روحندن دوغان بر مجلسدن
چیقاجق قانون دکدر . اهالی هیئت علیه کزی
بورایه کوندردیکی زمان هر خصوصده حتی
مدافمه ایتمک ایچون کوندرمشدر . و حقوق خزینه
طبیعتله میدانه چیقاجقدر . قاصه نك ایچینه فضله پاره
قویه جقم (۵) رینه (۶) قویه جقم دیه ملتی
بر درجه دها ازمک مع التأسف اوقاصهده کی
موجود بش غروشی ده غائب ایتمک دیمکدر . نر یا یا جقمز
بو قانونلرده اوزاغه کیتیمه لم . بو قانونک واردات تأمین
ایتمدیکی بیلیم . بو بلکه معقول و منطقی و احتیاجات
عمومی به توافق ایدر بر صورتده حاکمانه یا میلان تدابیر
مماکتک سعادت و بالنتیجه وارداتی تزئید اید بیله حک
یر نتیجه انتاج ایدر . یوقسه بوده بر یجق آی اول پوستلره
یاددیغمز ضمام طرزنده اولور . افندم ! شوراده پوسته
خانه کز وار . ضمام پائله دن اول ماهیه نه قدر واردات
و ریوردی ؟ شمدی نه قدردر ؟ تحقیق ایدیکز .
مالیه وکیل بک — آز آلامشدر . ظن ایله قوشمیه لم .
وهی اقدی (قویه) — نصفندن آشایدر !

سائرته سی نظر اعتباره الهرق بو قانونک مفید اوله جفته
قائم بنده کز . رجا ایدرم بو قانونی رد ایتمکز . واردات
مسئله سنه کلنجه : ضم ایدیلنجه فضله واردات حاصل
اوله جفتی تعهد ایدرم .

مصطفی بك (ترقاد) — وکیل بك ! حرکات حریره
طولایدیسه تکمیل کویلیلر باتیور ؟ کویلیلره یازق دکلی ؟
رجا ایدرم !

نجیب بك (ارطغرل) — یازیق دکلی ؟ بو کویلی به ،
بر آز آجی بک .

مالیه وکیل حسن بك — چوق تأسف ایدرمکه وبالخاصه
قبول ایتمدکاری لایحه قانونیه بی ایکی انجمن نامه ؛ قوانین
مالیه ، موازنه مالیه انجمنی نامه کیسه مدافعه ایتمور .
قبول ایتمدکاری قانون ایسه بر سبب اوزرینه قبول ایدلمشدر
اعتراض ایدنلرکده اعتراضلری دیکهدم . بدایه کلام
محدورینی اعتراف ایتم . فقط بو تکلیفده ضرورت
وارد . بونده امثالی کی بر آز محدور اولسه دخی
دمین بر آرقداش مزک بیوردینی کی شوکا بوکا آنغاریه
یوکتهمکن ایسه رسماً ، قبول ایدلمش قانون ایله
خزینه نك محتاج اولدینی معاوتی تسویه ایتمک لازمدر
افندم .

حتی حامی بك (سینوب) — فصل بر قانون
اولورسه اولسون یا پیلیرکن بر شی نظر دفته آذیر
اوده منافع عمومی درکه : اوندن حقوق خزینهده چیقار .
حقوق عمومی ددیکمز شی منافع عمومی محصله سیدر .
منافع عمومی تأمین ایتمن هر هانکی قانون اولورسه
اولسون حقوق عمومی ایچونده مضردر . او حقوق
عمومی به حصوله کترین افراد ایچونده مضردر . هیئت
جدیله کز شمدی به قدر مجلس عالیکزه سوق ایدیلن بوکی
تکالیف موضوعه نك تزئیدینه متدار اولان لوایح قانونیه نك
اسباب موجهه سی تدقیق ایدر حک اولورسه کز بونده
اولدینی کی هیسنده عینی جمله بی کره حکسکزه . افندم !
هر بر شبنك فیاتی یوکساکمشدر . اتمکک اوقه سی اون بش
غروشه ، اتمک اوقه سی قرق غروشه چیقمش ، بر زمان
اتمک ایکی غروشه ایکن طوز قرق پاره صائیلوردی

حق حامی بك (دوامه) — بردفعه افنديلر! هر
 هانكي بر قانونك روحى اسباب موجب سیدر؛ اسباب
 موجب سنی ده عرض ایدم. هیچ بر عقل ومنطق قبول
 اتمه جکی، شمیدی به قدر قبول ایدلش برشکله او ایمان بر
 سکلدر. بوراده اسباب موجب ديه سرد ایدیلن و بو
 اعتبارله مالیه و کیلی بکک اسباب موجب اوله رق در میان
 ایندیکی شی هیئت جلیله نرک تأمین قساعتی ایچون
 کافی برشی دکلدر. و صورکه علاوه بو یوردیلر. افنديلر!
 بو کون کیریشد بکمز دعواى ملی یی قازانق ایچون هر دورلو
 فدا کارلر یاپاجغز. (آما و صدقنا) یاپاجغز. رجا ایدرم.
 بوندن بر آى اول نشر ایدیلن تکالیف ملیه؛ فدا کارلر
 دکلده ندر؟ یوزده قرق. هر نه ایسه هر کسک اقتدار بکک
 ائک صوگ درجه سنه کوره تکالیف توزیع اینلشدر. بو ویر کو
 دکلده ندر؟ عجباً بو کبی عظیم تکالیفه معروض بیر اقبالن
 بو اهالی امین اولکزه: قورق یورم. بیه جکی بولامیه جق
 فقط، الینه کیرهش اوله یینی بر آ ووج بغدادی ده طوز سز می
 سیدرمک ایستور سکز؟ بوراده اون ایکی غروشدر.
 کویده یکر می بش غروشدر. اوج غروش ایکن سز
 ایکی غروش علاوه ایتدیکز. فقط تجارلر کو یوله بن بونی
 اللی غروشدن آ شاخی قورتارامیوزم دییور. کو یولو بوکا
 اللی غروش ویر ویده آله بیایر می رجا ایدرم؟ هر کون
 مجلس عالی بکک او کندن کتاری همز کور یوروز. بوتون
 قوت و قدر تمزله کو یوله بو کلمیه لم. رجا ایدرم. طوز کو یولایله
 ائک زیاده علاقهدار اولان شی در. هر شیدن، هر کیدن
 زیاده اوکا محتاج کو ییلدر. بنده کزامیم که: بو کون
 بر کو یولو آید بر اوقه طوزدن فضله طوز آلاماز.
 بلکه بو کون بونی ده آلامان ده بکک چوقدر. بک جزئی
 کورد بککز ایکی غروشک ضمیمه او توزه چقه جق طوس سز.
 لقندن اوله جکلدر. طوزک صحی اولان تأثیرینی دوقتور لر
 بک اعلا تقدیر ایدر لر. اوجهته سوز سوبله مکدن چکینیرم.
 بونی اولر سویلر لر. طوز حقنده دوقتور بکلر ده ای
 آ کلار لر. انسان طوز سز یشایاماز. اونک ایچون بو
 غایت مضر بر قانوندر. واردات دولتک ترایدینی موجب
 اولماز. واردات دولتی تأمین ایدمک اولماق دن صکره

بو اعتبارله منافع عمومیه به کلیاً مضر بولان بو قانونک
 فضله بر مناقشه به محل بر اقیه رق ردینی تکلیف ایلرم.
 رئیس — دمین حلمی بک آرقدا شمه بر سوز صرف
 ایتدیکز. لطفاً کیری آلیر میسکز؟
 طونه لی حلمی بک (بولی) — بن قارشیمده بر آینه
 کور یورم. لزومی یوقدر. کیری ائق ایسته مز.
 بصری بک (قره سی) — حلمی بکک سویلدیکی ده
 آغیردر.

حق حامی بک (سینوب) — بنده کز حلمی بی
 کرک مجلس ایچریسنده کرک مجلس خارچنده جدأ
 کو یولونک مدافعی، کو یولو ایچون هر زمان، هر برده فدا کارلغه
 آماده اولان حلمی بکک آغزندن ایشتمک ایسته مدیکم
 سوزی مجلس داخلنده حامی بکدن و کرسیدن ایشتمک بکدن
 دولایي تأسف ایدرم.

بسم آتالای بک (کوتاهیه) — اقدم انسانلر بکک اسکی
 تعاملرینی بردن بره بر اقامازلر. تاریخچه باقلم. هر نه وقت
 طارلانمش، نه وقت دولت صیقیشمش ایسه، نه وقت خزینه
 طارلمش ایسه پاره بولق چاره سنه نه شکلده باقیمشدر؟
 یا مسکو کاتی تفشیش ایدرک، یا خود تجاوز عامتی مزایده
 چیقاره رق و یا خود ویر کو صالهرق؛ کیمک اوزرینه!
 اون چوالی کبی اوردنجه توزان کو یولونک اوزرینه.
 شمیدی ده ینه اون یاییوروز. خزینه بی طولدی ریمق
 ایچون مملکتک اولا اقتصاد یاتی، ثروتی یوکسک بکک
 لازم ایکن بو هیچ دوشونلیور. چونکه: بو عادتمز،
 تعاملمز دکل. بزم کور کومز، ویر کو؛ بوده بویله اولیور.
 ویرن، ینه محمددر؛ ینه محمدن چیقار. نندن؟ خزینه بک
 یارده سی یا مانه جق، خزینه بکک دلیکی قاپانه جق. افنديلر!
 او خزینه بی طولدی ره ماز سسک. مکر اخراجاتی تأمین
 ایدمک، صنایع داخلیه بی یوکسکده سسک، ثروت مملکت
 یوجلسون. بویله صوری شیلرک فائده سی یوقدر.
 بویله صوری تدبیرلر ایله یاپاماز سسک. سفر برلکدن بری،
 اوچوز سنه دن بری بویله یاییور، مملکتک سفالیتی،
 مملکتک فلاکتی آرتیرمندن بشقه برشی دکلدر. بونک
 چاره سنی سویلدیورم. صکره بعضاً خلقچی کورینن

آرقدشلو وار . اولدرده بجهتی التزام ایندیورلر . چونکه :
اولدرده بو معامله تابع اولیور . چونکه : کویلیتک چکدیگی
اصطرا بان یقیندن بیلمور . آرزو بویوریور ایسه کز
سویلم . طیر ناقلیله اوت طوبلیورلر . کتیر اونی رتجره مک
ایچه آتار . اونی قابلیتیه بر آوج طوز آتار بر اژه
کک قاریشدرر . ییر . کویلیتک ، یوزده قرق ویرن کویلیتک
ییدیگی بودر . صیرتنده جو جقلریله ذخیره منزی طاشیان
کویلیتک لندن طوزی ده آیره سق . آی! دو قور بکلر
بو کویلیتک یشارمی ، یشامازی؟ ذاتا یشادینی یوق یاسوریندور .
افندیلر ! بونی ده بولامان انامور کویلیتک بیلمورم .
دکزدن صرطاً سهرق غمور یوغوریورلر . دکز
صویندن طوز سزلق احتیاجنی تأمین ایدیورلر . مالیه
وکیلیتک افندی بیوریورلر که : مملکتک احتیاجاتی
خزینیه تک قضا لرینی قیامق ایچون هر وار دانه مراجعت
ایتمک مجبوریتنده یز . فقط بولغا لرلر نه کبی واردان مراجع
ایده رک بودجه آچیغنی قیاندیلر . بر کره اولنری کوردم .
حلق اولدرینه دکل جیفغی اولدرینه دکل . دکا ، دکا
یوکلندیلر . و بودجه آچیغنی قیامغه موافق اولدیلر ، بوتسه
کویلیتک اولدرینه ور کویلیتک . اکر حقیقه خزینیه تک آغیراتی ،
خزینیه تک یوکیلیتک تخفیف ایتمک ایستور سق مملکتک یقین
زماده اخر اجطنی ، صنایع داخلیه منی تأمین ایتمک
یوکلتم . و سن ویرکو آله جقه سکه زنگین خلقدن ،
متوسط خلقدن آل قراوات طاقندن ، یوکلک قوندره
کیندن ، لنده باصتونه کزمن قالدینلردن ویرکو آن .
فایطون آرایسندن آل آ ، آل ، فقط ، کویلیتک برشی
آلما ، آلهمازسک .

رضانور بک (سینوب) — بو ویرکو تک محذورندن
آرقدشلم بحث ایستیلر . بده کز یالکیز جهت طیه سندن
بحث ایتمک ایسته یورم . معلوم هالیکیز بزرگیلر منزی محرومیتلرک
اشدی ایچنده ، انواعی ایچنده یشادینورز . فقط ، بر
محرومیت وار که : طوز محرومیتی ، هیچ اولمازسه اولندن
محروم یشامیم ، چونکه : طوز مواد حیاتیه دندر . طوز سز
حیات اولماز . و (من الماء کل شی حی) آیت
کریمه منی ایله معلوم که : طوز سز حیات اولماز .

طبی یا شاماز . کویلیتک هیچ اولمازسه ماده حیاتیه
اساسیه منی ده لندن ایلم . طوز سز حیات اولماز ،
اولا ، ویله حیات ، ضعیف ، نحیف هر درلو خسته لغه قابلیتی
بر حیادیر . طوز سز برغذا ییین بر والدهن طوجاق
چو جقلر اکثریتله طرناقمنر و صاجمنر اوله رق طوغار
وبوله چو جقلرک میککری تشکل ایدمنر . عادتاً بو بویه منر .
بناء علیه بو کویلیتک حیاته لازم بر ماده در . بونی لندن
ایلم . و مالیه وکیلندن رجایده لم . طوز ایچون کتیریدیگی
قانون لایحه منی کیری آلسون . و شکر ایچون بر لایحه
قانونیه یایدون بو ویرکو طاطلی ییه نلردن آلنیرسه ده
معقول اولور .

طونلی حلی بک (بولی) — بالعکس رضانور بک !
رضانور بک (دوامله) — بزرگیلر منزی هر کون
بر طاقم محرومیتله آتدق . بر طاقم محرومیتلری اوستنه
قاندق . نیچون ؟ بر قالیغو واردی . وطن قالیغوسی ، نه یایلم .
مهم بر مدافعه قارشوستنده یز ، بوده یازیه محتاجدی .
اونک ایچون بودجه منی متوازن یایلم و مدافعه منزی تأمین
ایده لم . تطمین ایده لم . مدافعه حاصل اولسون دیه یایدق .
فقط ، طوزه شی ایتمیم ، بو باشقه بر شینه بکیزه منر . شکر
وسائره کبی بر طاقم شیلره قویلمده او صورتله تطمین
ایده لم .

رئیس — افندیم ! سوز آلان ذواتدن ده ایش ذات
وار . مذاکره تک کفایتنه دائره قهر برلورار ، رأی
عالیکزه وضع ایده جکم ، مذاکره تک کفایتی
قبول ایدنلر لطفاً ال قالدیرسون (مذاکره کافی کورولدی)
ردی حقیقه بر قاق قهر بر وار . فقط ماده لره کچه جکیز .
مذاکره منی قبول ایدلمدیکی تقدیرده طبیعتیه رد ایداش
اوله جقدر . ماده لره کچیلیم منی قبول ایدنلر لطفاً ال
قالدیرسون : (رد صدالری) قانون رد ایدلمشدر .
(آلیشدر)

حلی بک (بولی) — بالخاصه رضا نور بک سویلد
کری طیباً فنا رد ایدلمشدر .
رضانور بک (سینوب) — بونی سوبتک ایچون
طیب اولوق لازمدر .

— بیان آباد قائمقامی علی رضا افندی غائبانه
معاش تخصیصنه دائر اولان لایحه قانونیه نك مذا کره سنه
باشلیوروز . بوده بر ماده در .

ماده ۱ — بیان آباد قضاسی قائم مقام وکیلی متوفی
علی رضا افندی نك والده سی ایله زوجہ سی حلیمه و کریمه سی
منور ، بحریه ، معزز خانملره و مخدومی مصطفی افندی به
۱ تموز ۳۳۶ تاریخدن اعتباراً خدمات وطنیه ترتیبندن
بیک غروش معاش تخصیص اولنشد .

ماده ۲ — اشبو قانونک اجرای احکامنه مالیه و کاتی
مأموردر .

موسی کاظم افندی (قونیه) — مجلس عالیگزده بو
نوع بر چوق تکالیف کلدی . ضبطلر تدقیق ایدیلر سه
بر چوق له و علمینده سوز سویلندی . وسویله نك سوز
قائدی ظن ایدرم . خدمات وطنیه ششورا قائمقامی ،

بورا مدیرینسه منحصر دکلدر . خدمات وطنیه ده
فوق العاده یارارلق کوستره نلر چوقدر . اگر بونلرک
هپسنه معاش تخصیص ایتمک لازم کلیر سه بوتون افراده

معاش تخصیص ایتمک ایجاب ایدر . بوده دور تسلسلی
ایجاب ایدر که: بوده یا کلشدر . بو افراد کثیره میانندن
شو ویا بوکا بعض حامیلرک تأثیریه معاش تخصیص ایتمک
مساواتی منحلدر . و بونلر غیر قانونی حرکتلری ده

موجب اوله بیلیر ، قائم مقام بک کیتمش طوغریدن
طوغری به وظیفه سی ایفا ایتشدر . وظیفه سی اوغرنده
شهید اولمش ویا وظیفه سی خارجه کیتمش بک چوق وطنپرور
ذوات وار . شو ویا بوکا خدمت وطنیه ترتیبیه دیه فضله بر فصل

آچقه محل یوقدر . رجا ایدرم ، موجود بودجه نك آچیقی
قیامق ایچون منبع وارداتی تزیدده قیام ایدر کن وشمدی
ردایدیان لایحه قانونیه کی طوز قانونی تکلیف ایدر کن
بر طرفدن فلان بکه معاش تخصیصنه لزوم یوقدر . شهدا

چوق ، ایتم و ارامل چوق ، برنی دیگرینه ترجیح ایتمک
امکان یوق بوقانونی رد ایدرم رجا ایدرم .

وهی افندی (قونیه) — افندم! موسی کاظم افندی نك
فکرینه اشتراک ایدرم . بو بایده سویله نك سوز بوندن
عبارتد: بونکله برابر اولجه بو آدم حقدنه ؛ بو غائبه حقدنه

حلمی بک (بولی) — بن عاجزانه اونیده تحصیل
ایتشدر .

رئیس — تحصیل اموال قانوننک اوچنجی ماده سنک
تعذیلی حقدنه کی ماده قانونیه نك مذا کره سنه کیپوروز . (ماده لر
اوقوندی) ؟

۸ آغستوس ۳۳۵ تاریخلی تحصیل اموال قانوننک اوچنجی
ماده سنک تعذیلی مبین لایحه قانونیه صورتیدر :

ماده ۱ — تکالیف مختلفه ایچون هر سنه مارتدن
اول اعطا قلنان تذا کردن املاک وارضی و برکوسنه
غاند اولانلر ملناسدر . یالکیز مقدار مکلفیتی اکلماق

ایچون مراجعت ایدن اصحاب املاک ایله مجدداً انشا
و تزییل و تزید قیمت صورتیه و قوعات کورمش اولان
مسققات وارضی ایچون بردفعیه مخصوص اولق اوزره
اصحابنه تذکره تبلیغی مجبوریدر .

ماده ۲ — اشبو قانون تاریخ نشرندن معتبردر .

ماده ۳ — اشبو قانونک اجرای احکامنه مالیه وکیلی
مأموردر .

رئیس — افندم! اولجه طبع و توزیع ایدلشدی .
هیئت عمومی حقدنه سوز آلان یوق ماده لره کیلمسی
قبول بیورانلر لطفاً ال قالدیرسون : (قبول ایدلدی)

(برنجی ماده تکرار اوقوندی)

طونله حلمی بک (بولی) — افندم! ماده نك نهایتده
مجبوریندر دینلیور ، جبریدر دینلملیدر .

رئیس — برنجی ماده حقدنه سوز ایستین یوق ،
تعذیلنامه ده یوق ، ایکنجی ماده به کیلمسی قبول ایدنلر
لطفاً ال قالدیرسون : (ایکنجی ماده به کیلمشدر)

(ایکنجی ماده تکرار اوقوندی)

رئیس — سوز ایستین یوق . اوچنجی ماده به کیلمسی
قبول ایدنلر لطفاً ال قالدیرسون : (قبول ایدلشدر)

(اوچنجی ماده تکرار اوقوندی)

— برنجی مذا کره کی کافی کوروب ایکنجی مذا کره سنه
کیلمسی تنسیب ایدنلر لطفاً ال قالدیرسون : (ایکنجی
مذا کره سنه کیلمسی قبول ایدلشدر) بش کون سوکره
ایکنجی مذا کره سی اجرا ایدرز .

بر لایحه قانونیه تکلیف ایدلش و بنم خاطر مدله قالدیفته نظر آده رد اولمشدر . سمدی بر داهاتکرار بولایحی بی کتیر ویده بعض کیسه لک تأثیری و آعیقی ایله بوکا معاش تخصیصنده بر معما یوقدر . ردی تکلیف ایدیورم .

محمد شکری بك (قره حصار) — عینی سوزلی سوبلیه حکدم . موسی کاظم افندی ایله وهی افندی خضر ترینک فکر لرینه تماما اشترک ایدرم . بویه بودجده توازن حصوله کتیرمک ، بودجه آچیقی قاناق و کیرشمش اولدیغمز مجاهده بی قازانق ایچون پارهیه احتیاجمز اولدی بی بر زمانده شونک بونک عالمه سی ایچون خدمات وطنیه ترتیندن پاره ویرمک اونی ده بر فصل مخصوص یایمق دوعری دکدر . خدمات وطنیه ده بولنانلرک عددی نامتاهیدر . بونلره معاش تخصیص ایچون ملنک بوتون پاره سی ده آلسق امکان یوقدر . ردی تکلیف ایدرم .

طونه لی حلمی بك (بولی) — اقدم! قانونک ردی طرفداریم . آنجق آرقداشلر مزه بر قاج دفعه سوبلدم ، مع الاسف تکراره مجبورم : بن بر نفرم .. شویله بر مثال آیلورم . (صدده سسلری) صدده در . حربدهم . دیگر آرقداشلرم کبی یارالانیم ، چارپیشیرم ، اولورم ، وظیفه می ایفا ایتمش اولورم . فقط بن اوله بر نفرم که : دشمنک تبه آرقسنده کی جیخانسی ، دیشلرمک آراسنه جامعی آله رق کیدر آتشلره قاجازم و قورتولورم . و خدمت وظیفه ده بولونمش اولورم . چونکه : بو مستنا بر جرأتدر . دیگر طرفدن باشقه بر مسئله تحدث ایدر ؛ دمیر یوانی یوزمق ایجاب ایدر . بینه دیشلرمک آراسنه جامعی آیرم کیدر

محمد شکری بك (قره حصار) — بر قائممقامک بر قائممقام وکیلنک خدمتی ، جبهده قان دوکن بر فزک خدمات وطنیه سندن دهامی فضلدر .

طونه لی حلمی بك (دوامله) — اورحاله بر قائممقامی آله آیلورم . عصات کلور . بی قضاوا شهید ایدیور . وظیفه ائناسنده شهید اولمش اولورم .. بسم آتالای بك (کوتاهیه) — وظیفه کدر ، وظیفه

یولنده اولویورسک .

طونه لی حلمی بك (دوامله) — افندیلر! بن بر قائممقام . عصات ایله چارپیشیورم . قولی غیب ایدیورم . بینه چارپیشیورم . بینه یارالانیم . سفا یاب و لیورم . کیدیورم . بینه چارپیشیورم . بر باجامده کیدیور . بینه چارپیشیورم .. بینه چارپیشیورم . ایسته بوکا خدمت وطنیه درلر . مستثنا ، فوق العاده بر خدمت کوستره جک بر آدمی قازشیده بولورسهم اوکا خدمت وطنیه ترتیندن معاش ویریم والا ویریم . . . جناب حق مرحوم شهیده غنی و غنی رحمت ایله سون . . . هر حالده عالمه بینه جزئی بلکه کلی بر مقدارده مکافات ویره بیلیرز . فقط خدمات وطنیه ترتیندن معاش ویره مهیز .

خلیل ابراهیم بك (آنطالیه) — اقدم! حکومت وظیفه ده دعوت ایتدیکی انسانلری نتیجه اعتباریله ناصل ترفیه ایده جکنه دائر بر قانون و برده مقاوله نامه یا بمشدر . مثلاً: سزى شو صورتله وظیفه دن چیقارده جق اولورسهم و خدمتکرده شو قدر مدت اولورسهم سزه معزولیت معاشی ویریم . و صورکه سز اوزون مدت خدمت ایتمش و بو اوغورده اختیار لامشسه کر تقاعدیه ویریم . هر هانکی بر صورتله معلول اولورسهم کز ، نه قضا زده اولورسهم کز ، معلولیت معاشی ویریم دیمش . بناء علیه علی العاده خدمت ایدنلره بوقانون احکامی تطبیق اولنور . معافییه هر حالده دیگر لرندن فرقی بر صورتده خدمت ایدن وارسه بونلر ایچون آرتق قانون یا بمق صورتیه دکل ؛ اونک نه کبی خدمت وطنیه سی وارسه مجلس اوکا واقف اولمالی ! — بن کندی نهمه دوشوننیورم — اعضای کر آمدن بو کیلره بر لیرا ویرلسه یکدن ۳۰۰ لیرا ویرلش اولور . وقانون یا بمقدنده قورتولمش اولورز . بناء علیه : بویه عمومی صورتده خزیننه مالیه دن پاره چیقماز . ویرکو ضمنی رد ایتدیگمز حالده کویلیله بار اولور دیسه رد ایتدیگمز حالده بویه قانونلر کویلیله بار اولمازمی ؟ . . . بناء علیه بویه فوق العاده یارارلق کوسترلری کندیمز تقدیر ایدلم . یوقسه خزیننه مالیه دن و باشقه سنک کیسه سندن دکل

وهي افندی (قونیه — پک ائی .. ایشته شمیدی
رد ایده چکز ...
رئیس — افندم ! موضوع مذاکره اولان لایحه
قانونیهی رأییکزه عرض ایدیورم . قبول ایدنلر لطفاً
الریخی قالدیرسونلر : (قانون رد ایدلشدر)
رئیس — یارین اجتماع ایتمک اوزره مذاکره بی
تعطیل ایدیورم .
- ۳۰ ، ۳ - صوکرده اجتماعه نهایت ویرلدی .

رئیس — مذاکره بی کافی کورنلر لطفاً الریخی
قالدیرسونلر : (مذاکره کافی کورولمشدر)
مجلس عالی به برشی عرض ایدهیم که : بوقانون کچن سنه
تکلیف ایدلش ، فقط رد اولنش دکلدیر . دوسییه سننده
معامله سی موجوددر . مجلسدن موازنه مالیه انجمنه حواله
اولنش . ۲۷ تموز ۳۳۶ تاریخنده تکلیف ایدلش ، هیئت
عمومیه یه گلش ، اوج دفعه قسماً مذاکره ایدلش وموازنه
انجمنه کوندرلش . شمیدی مذاکره ایدیلمن شکل بودر .

